

Na osnovu odredbi člana 58., stav 8. Zakona o upravljanju otpadom („Službene novine Federacije BiH“, br.33/03 i 72/09), ministrica Federalnog ministarstva okoliša i turizma donosi:

Pravilnik o izmjenama i dopunama Pravilnika o upravljanju ambalažom i ambalažnim otpadom

Član 1.

U Pravilniku o upravljanju ambalažom i ambalažnim otpadom („Službene novine Federacije BiH“, broj:88/11), u članu 6., u tački 6 u zadnjem redu iza riječi „u domaćinstvu“ dodaju se riječi:

„ Ambalaža koja sadrži ostatke opasnih materija i/ ili je onečišćena opasnim materijama je otpad koji je naveden u listi otpada kao opasni prema Pravilniku o kategorijama otpada sa listama („Službene novine Federacije BiH“, br: 9/05) oznake 15 01 10*. Ovakva ambalaža sadrži slijedeće oznake:

- korozivno / nagrizajuće / nadražujuće / reaktivno
- zapaljivo / podržava gorenje
- otrovno / toksično
- eksplozivno / oksidirajuće
- štetno / opasno za okoliš
- otpuštanje otrovnih plinova
- kancerogeno / mutageno / infektivno“.

Član 2.

U članu 13. iza stava 3. dodaje se novi stav 4., i glasi:

„Obaveze krajnjih snabdjevača, tj. trgovina, su da u sistem uključe proizvode vlastite robne marke i proizvode koje direktno uvoze. Za ostale proizvode koje prodaju su u obavezi da od proizvođača ili uvoznika ili distributera obezbjede dokaz da su svoju ambalažu uključili u sistem. U protivnom, su odgovorni da te proizvode sami uključe u sistem i da za iste plaćaju naknadu“.

Član 3.

U članu 15., u stavu 3., riječ "države se" briše i glasi:

"Federacije BiH, u ukupnom iznosu od 5000 t, i minimalnim osnivačkim kapitalom od 100 000 KM. Udio pojedinog osnivača ili više osnivača koji pripadaju istoj grupaciji u osnovnom kapitalu operatera sistema neće prelaziti 33%".

U članu 15. dodaju se „st.“ 6. i 7., i glase:

- Vlasništvo nad operaterom mora biti strukturirano na način da se izbjegne sukob interesa sa pravnim i fizičkim licima koji mu pružaju usluge i koji od njega primaju finansijsku nadoknadu. Vlasnicima operatera sistema, članovima uprave i uposlenicima nije dozvoljeno da rade u interesu pravnih ili fizičkih lica koji se bave upravljanjem otpadom, a naročito upravljanjem ambalažnim otpadom.

- Operater sistema mora ispunjavati uvjete i kriterije u pogledu kadrova i radnog prostora za obavljanje aktivnosti, kako slijedi:

1. imati u stalnom radnom odnosu najmanje tri (3) zaposlenika sa visokom stručnom spremom i sa punim radnim vremenom, uredno prijavljenih kod nadležnih organa i za koje se redovno izmiruju doprinosi i zdravstveno osiguranje.
2. imati najmanje 50 m2 radnog prostora u vlasništvu ili zakupu za obavljanje djelatnosti.

Član 4.

U članu 17., stav 1., iza riječi "dozvole za" dodaju se riječi:
"operatera sistema za"

U članu 17. stav 2., iza tačke 4., dodaju se nove tač. 5., 6., i 7., koje glase:

- 5) dokaz o vlasništvu poslovnog prostora ili ugovor o zakupu poslovnog prostora,
- 6) ovjerene kopije diploma o visokoj stručnoj spremi za kadrove,
- 7) dokaz o prijavi zaposlenih u Federalnom zavodu za mirovinsko/ penzijsko i invalidsko osiguranje i zdravstveno osiguranje.

Dosadašnja tačka 5. postaje tačka 8.

Član 5.

U članu 18., stav 1., dodaje se alineja 5 i glasi:

- Ako broj subjekata koji imaju potpisan ugovor sa operaterom sistema padne ispod 30 ili ako godišnja količina ambalaže sa kojom upravlja operater sistema padne ispod 30.000 tona ili se promijeni bilo koji od uslova propisanih članom 17. na osnovu kojeg je dobijena dozvola.

Član 6.

U članu 19., stav 1. iza riječi „operateru sistema“ dodaju se riječi „ i Fondu“.

Član 7.

U članu 21. stav 6. iza riječi „naknada“ dodaju se riječi: „ i voditi evidenciju svih obveznika sistema“.

U članu 21. dodaju se se novi "st." 7. 8. i 9., koji glase:

„Rješenje iz člana 21. stav 6. Fond donosi u roku od 60 dana po dostavljanju validnog izvještaja od obveznika plaćanja naknada.“

„Rješenje iz stava 6. Pravilnika sadrži konačan obračun iznosa naknade za prethodni obračunski period kao i rokove plaćanja naknade“.

„Svi obveznici sistema plaćaju evidentirajuću naknadu u iznosu 0,002 KM po kilogramu ambalaže Fondu za administrativne troškove provođenja ovog Pravilnika. Operater sistema plaća evidentirajuću naknadu za sve svoje obveznike Fondu jednom godišnje prilikom podnošenja godišnjeg izvještaja.“

Član 8.

U članu 23., stav 3., iza riječi "otpadom", dodaju se riječi: "Fond će planirati namjenski utrošak sredstava planom na godišnjem nivou usaglašeno sa ministarstvom".

Član 9.

Član 25., se briše i glasi:

"Za primjenu ovog Pravilnika primjenjivat će se kaznene odredbe u skladu sa čl. 52. i 53. Zakona o upravljanju otpadom, i drugih posebnih propisa".

Član 10.

Član 26., mijenja se i glasi :

„Nadzor nad primjenom ovog Pravilnika provoditi će inspektori zaštite okoliša i tržišni inspektori Federalne uprave za inspekcijske poslove.

Vlada Federacije BiH će svojom odlukom uspostaviti Koordinaciono tijelo za praćenje implementacije Pravilnika.

U radu Koordinacionog tijela učestvuje po jedan predstavnik iz:

- Federalnog ministarstva okoliša i turizma,
- Fonda za zaštitu okoliša Federacije BiH,
- Federalne uprave za inspekcijske poslove i
- operatera sistema koji imaju dozvolu Federalnog ministarstva okoliša i turizma.“

Član 11.

Prilog II, mijenja se i glasi:

Tabela 1. Registariski podaci obveznika plaćanja naknada

REGISTARSKI PODACI OBVEZNIKA PLAĆANJA NAKNADE ZA AMBALAŽU I AMBALAŽNI OTPAD		
1.	OSNOVNI PODACI O PRAVNOM LICU	
1.1	Puni naziv pravnog lica	
1.2	Kanton / Entitet	
1.3	Grad	
1.4	Poštanski broj	
1.5	Ulica i broj	
1.6	Telefon i faks	
1.7	E-mail	
1.8	Web	
1.9	Identifikacioni broj (ID)	
1.10	PDV broj (ukoliko je registrovan u sistemu PDV-a)	
1.11	Naziv i šifra djelatnosti	
2.	KATEGORIJA PRAVNOG LICA	
2.1	Proizvođač	
2.2	Uvozik	
2.3	Punioc i/ili Paker	
2.4	Distributer	
2.5	Operater	
3.	PODACI OVLAŠTENOG LICA KOJE PREDSTAVLJA PRAVNO LICE	
3.1	Ime i prezime	
3.2	Funkcija	
3.3	Telefon i e-mail	
4.	PODACI O PRAVNOM LICU NA KOJE JE PRENEŠENA OBAVEZA UPRAVLJANJA OTPADOM	
4.1	Puni naziv pravnog lica	
4.2	Registariski broj pravnog lica	
4.3	Telefon i e-mail	

Izjava: Pod punom materijalnom i krivičnom odgovornošću izjavljujem da su svi podaci navedeni u izvyestaju istiniti, a količine tačne ili procjenjene u skladu sa važećom zakonskom regulativom.

Ime i prezime ovlaštenog lica:

Pečat:

Potpis ovlaštenog lica:

Mjesto i datum:

Tabela 2. Količine i vrste ambalaže za obračunsku godinu

KOLIČINE I VRSTE MBALAŽE I AMBALAŽNOG OTPADA ZA _____ godinu

Vrste ambalaže			Papir i karton (t)	Plastika (t)	Drvo (t)	Metal (t)	Višeslojni materijal /kompozitni/ (t)	Ambalaža koja sadrži ostatke ili je onečišćena opasnim materijama (t)	Staklo (t)
Šifra ambalaže			15 01 01	15 01 02	15 01 03	15 01 04	15 01 05	15 01 10*	15 01 07
1	Ukupne količine za BiH	Ukupno uvezeno							
2		Ukupno proizvedeno							
3		Ukupno izvezeno							
4	Nepovratna ambalaža	Plasirano na tržište F BiH							
5		Plasirano na tržište RS							
6		Plasirano na tržište BD							
7	Povratna ambalaža	Plasirano na tržište F BiH							
8		Plasirano na tržište RS							
9		Plasirano na tržište BD							

NAPOMENA:

Izjava: Pod punom materijalnom i krivičnom odgovornošću izjavljujem da su svi podaci navedeni u izvještaju istiniti, a količine tačne ili procjenjene u skladu sa važećom zakonskom regulativom

Ime i prezime ovlaštenog lica:

Pečat:

Potpis ovlaštenog lica:

Mjesto i datum:

POJAŠNJENJE

Obračun naknade se vrši samo za količine ambalaže prvi put stavljene na tržište Federacije Bosne i Hercegovine.

1. Ukupna količina ambalaže **uvezena** u predmetnoj godini na teritoriju Bosne i Hercegovine
2. Ukupna količina ambalaže **proizvedena** u predmetnoj godini na teritoriju Bosne i Hercegovine
3. Ukupna količina ambalaže **izvezena** u predmetnoj godini sa teritorije Bosne i Hercegovine
4. Ukupna količina **nepovratne** ambalaže **plasirana** na tržište Federacije BiH za koju se vrši obračuna naknade
5. Ukupna količina **nepovratne** ambalaže **plasirana** na tržište RS-a
6. Ukupna količina **nepovratne** ambalaže **plasirana** na tržište BD-a
7. Ukupna količina **povratne** ambalaže **plasirana** na tržište Federacije BiH
8. Ukupna količina **povratne** ambalaže **plasirana** na tržište RS-a
9. Ukupna količina **povratne** ambalaže **plasirana** na tržište BD-a

Član 12.

U Prilogu III, u Tabeli 2., na kraju tabele dodaje se novi red i glasi:

Ambalaža koja sadrži i / ili je onečišćena opasnim materijama	5,00
---	------

U prilogu III, rečenica: "Specifični ciljevi će se odrediti krajem 2013 za naredne godine", se briše i glasi: "Tabela 3., sadrži specifične ciljeve i primjenjivat će se od 01.01.2014. godine".

Tabela 3 . Specifični ciljevi

Vrsta ambalaže	Minimalna količina (%) koju treba iskoristiti ili reciklirati po godinama		
	2014	2015	2016
Staklo	5	8	12
Metal	4	6	10
Papir	20	25	30
Plastika	8	12	16
Drvo	5	8	12
Višeslojni i ostali materijal	5	8	10
Ambalaža koja sadrži i/ili je onečišćena opasnim materijama	5	8	10

Član 13.

U članu 27., dodaje se novi stav 4., i glasi: „Neuključenje proizvođača ambalažnog materijala, uvoznika, punioca, pakera, distributera i krajnjeg snabdjevača znači akumuliranje zakonskih obaveza i njihovo retroaktivno ispunjavanje od dana donošenja Pravilnika tj. od prve godine u kojoj je postavljen opći cilj za iskorištenje i reciklažu ambalažnog otpada.“

Član 14.

Ovaj Pravilnik o izmjenama i dopunama Pravilnika o upravljanju ambalažom i ambalažnim otpadom stupa na snagu osmog dana od dana objavljivanja u "Službenim novinama Federacije BiH".

Broj: 04-23-1818/10
Sarajevo: 05.04.2013. godine

MINISTRICA

Branka Đurić, dipl.ecc.